




СПОРТ
ГалгІайчен юрташка
мини-футболах
турнираш дІахьош я

16



ИЛМА
ГалгІайчен НИИ
Илманхой совете,
Илман балхах
карагІдаьннараш дийцар

13

СЕРДАЛО

WWW.SERDALO.RU

ГІАЛГІАЙ МЕХКА КЪАМАН ЮКЪАРА ГАЗЕТ

№13 (12540)
Тушоли бутт,
7 ди, 2022 шу

Газет арадувл 1923-ча шера
бекарга бетта 1-ча дийнахьа денз



1973-ча шера
«Сердало»
газета
«Знак почета»
яха орден
еннай




12+



ІАЪДАЛ
ГалгІай мехкарча
тохкама кхуврча
кулгалдеш вола
Коновод Андрей, нах
тІаийбеш хилар

3



БАРТ
Илдарха-гІалий
тІа, карарча шера,
хьалхара дІахьош яр,
шахьара кулгалхоcho
дакЪалоацаш, барт
бара комиссе кхетаче

4




УНАХЦІЕНО
Блохина Н. цІерах
йолча дарбанчера,
онкологаш кхаьчаб
вай мехка

5



ГІИШЛОШ ЯР
ГалгІайчен юрташка
керда ишколаш
хьалъеш латт

6



БЕРКАТЕ ГІУЛАКХ
Сомий гаьнаш
дІайогІаш латт вай
мехка

7

www.serdalo.ru @gserdalo vk.com/gserdalo Дзен сердало



Керттера вІашагІкхетар


Матвиенко Валентинаси Келматанакъан
Махъмуд-Іаьласи дийцар, ГалгІай мохк
социально-экономически дегІабоалабарах лаьца 2



Массанена эшаш бола никЪ

ГалгІайчен
шахьарашка,
юрташка наькъаш
тоадеш латт

6



Журналистий белхах лаьцараш дийцар, ГалгIай мехка

Султыгнаькъан Йоакълп

Чухьарча бувзамахи, къаман политикахи, кептохарахи, хоамехи йолча министерства кулгалдеча Беканькъан Вахас, журналисташца дIайихьача кхетаче дийцар, журналистий болх дикка тоабарах дараш. Республиканскеи, федеральнеи Iаьдала белхах дараш, лакхача боараме, нахага дIакхоачаргдараш юкъе доаладе дезалгах, хьоахадир кхетаче.

Региона Миннаца кулгалхочо белгалдир, журналиста хьалхашка латта лоархIаме дар — шоай ханнахьа наха экономика, политиках, культурах, иштта кхьдолча лоархIамедарех дараш дIахойтар долга. Из гIулакх. Къаьстта, чоагIа лорадеде дезаш да, тахан латтача хана. Дукхача харцахьа къамаьлашца, нах тувлабу зуламхой баьржа ха я таханара яр. Цунга хьежжа, Беканькъан Вахас гIадиллар журналисташта, шоай болх кхы а бехктокхамегIа, дикагIа дIахьош хила аьнна. Бахархошта геттара лоархIаме да из гIулакх.

Царна довза деза, тахан, Iаьдало, мехка хьал тоаде гIерташ дIакхухьача балхах дараш, хьалхашка этта халонаш юстара яхара тIехьа, лоаттадеча гIулакхех.

Болх лакхача боараме дIабахьара тIехьа, къаман мотти Iадаташи лорадарах дикагIарех да аьнна, белгалдир кулгалхочо «Сердало» газет. Цхьаццан нийслуш долча кхоачамбоацарех дийца, журналистий болх даькъала бувцаш ловца баьккха, чакхийьлар кхетаче.



Матвиенко Валентинаси Келматананькъан Махьмуд-Iаьласи дийцар, ГалгIай мохк социально-экономически дегIабоалабарах лаьца

Федераци Совета Председателя Матвиенко Валентинаси вIашагIкхетар дIадихьар ГалгIай Республика Мехкадаьца Калиматананькъан Махьмуд-Iаьлаца. Дийцар региона социально-экономически хаттараш.

Матвиенко Валентинаси аьлар, боккха лоархIам болаш да, 2021 шера лайчила бетта Федераци Совете дIадихьача ГалгIайчен денешка кечья постановлени кхоачашьгар.

Региона кулгалхочо хоам бир, каьхата гIа белгалдаьха кхоачамбоацараш шоай аргIа юстарадоахаш латг, аьнна. «Цу гIулакха вIашагIьеллай лаьрххIа балха тоаба, цо айха бувзам лелбу РФ Правительствоца. Iа пурам лоре, хьога хьайга хоам бергбар оаха, постановлени кхоачашьгяра, къаьстта ха тIехьаьнна е халонаш йолаш меттиг хуле», - аьлар субъекта кулгалхочо.

Федераци Совета Председателя раьза хилар цу гIулакха,


иштта белгалбир Хамченанькъан Белана, ГалгIай Республика паччахьалкхен Iаьдала викала, аргарно-продовольственни политиках йолча СФ Комитета Председателя заместителя, болх.

Цул совгIа вIашагIкхетара доакъашхош дийцар Украине лаьрхIа операци дIахьочара а Донбассера цIенах бекача наьха а оагIув хьаллацар. Калиматананькъан Махьмуд-Iаьла ма алара, ГалгIай Республика гуманитарни новкъо-

стал даьд, иштта дIахьийтад гIишлон материалаш а. Эшам хуле, аьттув ба беженцашта тхов-кIийле Iалашьге.

«Ца хаддаш бувзам лоаттабу тхоай бIухошца, царна а, цар дезала а, иштта лозбаьчарна новкъостал деш хьадоагIа тхо», - аьнна, белгалдир Калиматананькъан Махьмуд-Iаьла.

ГIР Мехкадаьи Правительствоаи пресс-гIулакхче



РФ Правительства вице-премьер волча, Новаков Александраца вIашагIкхийтта хилар вай Мехкда

Султыгнаькъан Йоакълп

Российски Федерацие Правительства кулгалхочун гIонча волча, Новаков Александраца, Москве, вIашагIкхийтта хилар Келматананькъан Махьмуд-Iаьла. Из хоам

Мехкдас бу ший телеграмм канале гIолла.

«Эггара хьалхарча юьхьанца, кхоачашде дезарех дийцар оаха кхетаче. Александра белгалдир, бюджета гIулакх, ший хила боагIаца боараме долаш

дIадахьа дезалга. Цул совгIа, региона хьал тоадергдараш доаржаде деза», — язду Мехкдас.

Иштта, Келматананькъан Махьмуд-Iаьлас хьоахадир, Новаков Александраца шоаш чоагIо яьча, цхьаццадарех.

Масала: Iаьдалгара гIо эшаш я вай къамашта лоархIаме йола, туризмах, юртбоахамах, промышленностех йола — проекташ. Иштта дийцар, республике, маьлха генерацеца дувзаденнараш доаржадарах а.



Исковой болх 200% кхоачаш лакхбабб, ГалгІайчен энергетикаша

БЕРДАНАБЪКАН ЛОРС

«Россети Къилбасе-да Кавказ» ячача кхуврча, укх шера, исковой болх айбабб. Укх тІехьарча шин бетта, судо дІатІайцай 272,7 млн кхоачаш йола, цар 473 исковой заявленеш. Цар чулоац дІадаха шу а. Соакка хинначул, 186% лакхагІа латт из гІулакх укх шера. 2021 шера оттаяь хиннача исковой заявленеша чулоацаш хиннар дар — 177, 4 млн сом.

Царна юкьера эггара докхагІа долча гІулакхех да ГУП «Ингушрегионводоканал» ячача кхуврча духьала чуенна 23,1 млн сом латта иск, иштта, «Малгобекводоканал» ячача кхуврчагара хьадоагІа 15, 4 млн сом. Іан тІехьарча шин бетта, энергетикаша ачча хьадехаш чуеннараш я, 83,1 млн латта, 175 иск.

«Шоай ханнахьа, наха хьаІайна латта декхар хьацателаро, новкъарле ю бахархошта боагІа бораараме свет лоттаяра. Цунга хьежжа, из болх оаха дІахо йодача хана кхы а чоагІагІа тІахьожам беш дІахьоргба. ДукхагІа низ тІалоаттабергбараш я болх-моттигаш. Шоашкара доагІаш дола декхар хьацателарца, ерригача республика лоттаеача света моттиг эшаеача наха духьала, из тайпара болх дІабьар нийсеи доагІашеи да аьнна хет сона», - аьлар «Ингушэнерго» филиала кулгалдеча ГІоандалой Ислама.

Цу гІулакха бехткокхаме болча болхлоша, бахархошка хьайкарал ду, цу хьале дІатІа ма кхача светах ачча дІателара гІулакх, ячаш. Деррига дІадаккхача, геттара чоалхане дийрзача, хьатехача ахчал дукхагІа хул дІадала дезар.

Белгалде деза, декхар доаллар, из бартаца дмадала раьза веце, юкье боалабу суда приставаши. Федеральни кхуврчо геттара бирсдаьд, цу наха духьалара гмулакхаш. Масала, боахама арест тІаюлаш, банковски карташ дІакъовлаш, Россе араха дІаваха йиш йоацаш. Тахан, шийга доалла декхар дІадала йиш я, «Онлайн Сердал» ячача оагІон чу гІолла.

ГалгІай мехкарча тохкама кхуврча кулгалдеш вола Коновод Андрей, нах тІаийбеш хилар

СУЛТЫГНАБЪКАН ЙОАКЪАП

Вай мехкарча тохкама кхуврча кулгалхо волча Конов Андрей, нах тІаийбу ди хилар. Кулгалхо волча, цхьацца вахара хатгараши кхоачамбоацараш дашха тІабийхараш бар: дешареи Іилманеи Министерстве дІаяздаь латта бойла диса бераш, даь, наьна

тІахьожам боацаш бисараш, торо йоацаш, чуле фусам Іалашге езараш.

Гулбеннараша дийцар, 2021 шера, дешареи Іилманеи Министерства, шоашка Назранера аравоалача даь латтача цІагІарча квартирашка, дІачугІо аьнна хинналга. Иштта, МагІалбике лаятта чу-

текхача моттигашкара арабаьхача наха лаьрхІа даьча ценошка, квартираш луш хинналга. Белгалдир, уж квартираш лертгІа ваха пайдане йоацалга, дуккха кхоачамбоацараш юкье долаш хьалъетталга. Цу ценошка баха, уж дІачуцабахара бахьан из да.

Республике цхьаккха а кхыйолча моттиге царна

фусам еннаяц, е лургья аьнна хьоахадеш а дац, таханарча дийнахьа. Коновод Андрей-цара кхетаче, гулбеннараша, шоайла кхеташ дІайихьар. Массане дувцачунга дикка ладийгІаца, кулгалхочо, из гІулакх тохкаме оттадир. Тохкама болх чакхбаьлча, деррига цхьан кога тІа доакхаргда аьнна, соцам а бир.

Росреестра кхуврче дІайихьар пресс-конференци

БІАРХОЙ МУСЛИМ

ГалгІай мехка кадастрахи картографехи йолча Іаьдала регистрачен федеральни белхах болча кхуврча кулгалхочун гІонча волча Ахтоланаькъан Іийсас, селхан, пресс-конференци дІайихьар журналисташца. Кхетаче иштта, дакья лоацаш хилар Федеральни кадастрови палата кулгалхочун гІонча вола, Пхьилекьонгий Мухьмади, Ілдарха-ГІалий тІарча гІишлой регистрачен кхуврча кулгалду Къоастой Башири, иштта кхьбараш.

Журналисташка хьакимо дийцар: кадастрахи, картографехи, Іаьдала регистраче хи дараш. Пресс-конференцен юкье журналисташа оттадир Россе Президента 01.03.2022 № 81 долча Указах дола хаттар.

«Цан юкье доаладе дезаца экономически гІулакхех, РФ ачачара хьал чоалхане дерзаргдоацаш».

— Тахан юкьера барт бохабеш дола гІулакхаш, шоашкара гойташ йолча кхыча паччахьалкхенашца, цу мугІарера гІулакхаш ший тайпара хургда. Путин Владимира кулг яздаь соцам баь да из Указ. Указага диллача, лакхе вай хьоахабаь бувзам, тІахьожаш, лаьрхІа оттаяь Правительственни комисси йолаш хургба. Цу юкье долх лаяттан доазонаш, гІишлош,



ценош. 13.07.2015 г. № 218-ФЗ оттадаьча Федеральни законага гІолла латт царна регистраци яр», - аьлар Ахтоланаькъан Іийсас.

— Нотариусе чоагІадаьча гІулакха юкье экспертизахи, кхы дІахо законо цу хІаман юкье оттадаьрахи дараш хьоахадел?

— РФ чуйоагІаш йолча субъектий нотариальни палаташка хоам баьб, Федеральни но-

тариальни палатас юкье доаладаьраш керда а доахаш. Цу тІа йоах — Нотариусо, нотариальни чоагІо яра тІехьа юкье доаладаьча каьхаташ тІа, вайцара барт бохабеш дараш гойта паччахьалкхе яле, цо таьха дез из, гІулакх дІачакхдаккхара тІехьа Правительственни комиссе бокъо еннайий а. Из бувзам чоагІбе бокъо яц, цу мугІарерча болхлой Правительственни комиссе могадаь деце.

— Вайцара барт бохабаьча паччахьалкхенашта юкье из Указ юкье доаладе ца дезаш нах бий?

— №95 долча Указах барт бохабаьча паччахьалкхенашка бахаш болча кредиторашта лаьрхІа юкье доаладаь керда дараш да.

Юкьера хьакъоастабу россерча юристаша тІахьожам бераш», — белгалдир Ахтоланаькъан Іийсас.



Дукха гIаташ йола цIенош де лерхI, вай мехка

Султыгнаькъан Йоакъап

Гишлош хьалъяра тIехьа, вай республике, лаьттах тоаш ца хиларга хьежжа, дукха этажаш йола докхий цIенош доттара тIехьа, соцам баьб. Из дош, иштта чIоагIо яь дIаоттадир, шоай хиннача кхетаче, Росс президент Владимир Путином, вай Мехкдас Келматанькъан Махьмуд-Иабласи.

ЦIенош доттара белхаш, таханарча дийнахьа, мишта латт республике аьнна, Путин Владимира хаьтгача, вай Мехкдас белгалдир, из Гулакх, тахан, РФ Правительствас гIо деш, цу тIехьа, болх дика дIабодаш хилар.

Теркал дир, лаьттай тоам эшабенна хиларах, дукхача гIатех латта цIенош дотта соцам баьлга. Юрташкара, пхьешкара лаьттан дозонаш, беркатегIа хургдолча тайпара, кьоастам баь нийсьдеш латт. ТIехьарча хана, вай мехка, гишлон белхашца дувзадenna хувцамаш да. Хьалха пхе гIател лакхагIа цIенош хиннадече а, тахан, вай лакхе хьоахадь бахьан керте оттадеш, шозза-кхозза лакхагIа дола цIенош доттара болх юкьебоалабаьб.

Уж тайпара цIенош кьонача дезалашта лаьрхIа деттадар вайцига. Юкьелайцадар, квартира эца безам болча, кьонача дезалашта аьттув хургбараш. Иштгача наькъаца, дуккхача баха болалуча кердача дезала, шоай фусам хилийта гIо де йиш йолаш хулар.



Илдарха-гIалий тIа, карарча шера, хьалхара дIахьош яр, шахьара кулгалхочо дакъалоацаш, барт бара комиссе кхетаче

Иаблаханькъан Адам

Илдарха-ГIалий тIа, шахьара мэра Оскананькъан Башира кулгалдеш дайихьар, кхаь бетта цкъа дIахьош йола, барт бара комиссе кхетаче.

Из болх дIаболабеш, мэра баркал аьлар гулбеннарашта, кьаьстта боаккхагIарна, цаккха а кIаьд ца луш, шоайла ийгIача шин оагIонна юкье барт бара болх цар дIахьош хиларах.

Цо яхачох, цу тайпара болх дIабахьаро таро хулийт, шин тайпана юкье этта довнаш дIадаха, цунах доккха зе дала тарлуш йола моттигаш кIаьдье, юкьера цатоам бокьонгахьа баккха.

ХIанз, укх сахьте, шоаш малагIа дов кьоастадеш ба дийцар, барт бара йолча республика муниципальни комиссе доакьашхочо, Доврбикананькъан Иийсас.

Цхьацца долча бахьанах, цу довна юкье нийсвеннача, Илдарха-ГIала вахархочох

лаьца дар из кьамаьл.

Цо тешал а деш дийцар, дукхача шерашка денз шоайла моастагIал леладеш хьабьхкача наха юкье, цу тайпара болх баро, царна юкье этта сага ций, дита дезаш дола хьал атгача даккха таро хилар. Иттанена юкье шиь, хIаьта а, бокьонгахьа доал.

Из болх беш ба, юкьера дов цIендаь дIадаккхара, шоайла этта цакхетам меттабоалабара, из болх дIахо а дIахьоргболаш ба, аьлар Доврбикананькъан Иийсас.

Иштта, кьамаьлдеш белгалдир, укх тIехьарча хана, Илдарха-ГIалий тIа, геттара чIоагIа наха юкье этта довца нийсдалар, Даьла кьахетамах из оагIув а метта йоагIаш латт.

Иштта дийцар, дIахо а наха юкьера довнаш дIадахара йолча комиссе, ший болх дикагIа дегIабоалабе безарах.

Барт бара йола комиссе вIашагIелляяр, республика кулгалхочо аларах, 2020 шера.

ГIалгIайчен столице, пхи гектар буц тIайолча лаьтта яьнна, цIи йоайир

Султыгнаькъан Йоакъап

ГIалгIайчен нана-пхье йисте пхи гектар буц тIайола, йоагаш хинна, моттиг йоаяьй шоай ханнахьа, цу гулакха йола службаш оарцагIа яларах, аьнна хоам бир, Iалама Министерства пресс-службе.

Цу хоама тIа яхачох, ГIалгIайче, Магас-пхье муниципальни дозон тIа, укх бийсана, яьссача ара уллача йокьаенна буц тIайолча даькъа тIа, цIи яьлар.

Говзанчаша яхачох, цу цIеро дIалаьцар пхи гектар лаьтта, хIама тIа йоацаш, даьсса дадаш лаьттах дар уж.

Цу моттиге кхаьчар: Назранера цIераца кьовсам лоаттабеш йолча служба болхлой, иштта ГIалгIайчен Iалама Министерства кулгалхо Шаьденанькъан Ахьматхан, ГIалгIай Республике ГIолла йолча МЧС говзанчаш.

Карарча хана, цIи еррига а дIайоаяьй, юхе ядача юрташга кхераме хIама дац, цIи дIа-юха яржара хьакьехьа.

ХIара шера, ГIалгIай Республика кIалхарваккхара а Iалам лорадара а служба болхоша, йокьаенна буц ца лотаяра дола хьехамаш ду. Екъа йоархIаш лотайича цунах доала зе боарам боацаш доккха да, цул совгIа, наха кхерам тIатоссаш а да.



Коазой **Мадина**

Блохина Н. цѐрах йолча Къаман унахциенон тохкама кхуврчера онкологаш кхаъчаб вай мехка, укх деношка. Цу наха тохкама болх дѐакхухьараш да, берашта, наггахьа мара, нийслуш доаца лазараш.

Тахан, цу говзанчаша, вай лораш Юмабеш йола семинар дѐайихьар, республикански берий дарбанче. Семинаре дакъа лоацаш хилар дукха ха йоацаш берий дарбанче керттера лор хинна, тахан унахциенон министерства кулгалдеш вола Балайнаькъан Мухьамад-Башир.

Ший къамаьла юкъе, цо докка баркал аьлар, вай мехка, из беркате гѐулакх керте оттадаь баьккача боккхача лорашта. Тахан вай республика, геттара лоархаме новкъостал да из. Иштта дѐакхухьача, кхьбола лораш Юмабеш йолча семинараша, бийца варгвоацаш боккха пайда бу. Могашдоацача берий гѐулакх, тахан, хьалхарча юхьанца тоаде дээрех да.

Блохина Н. цѐрах йолча дарбанчера, онкологаш кхаъчаб вай мехка



Ахча чудоалла наьха бохча дихьачун, гѐулакх суде дѐачуденнад

Султыгнаькъан **Йоакьап**

Ахча чудоалла наьха бохча лочкъадаьчун гѐулакх, дувцаргда суде. Из хоам бу, тахан, Прокуратура пресс-служба. Шолжа районерча Прокуратура болхлоша доагѐаш долча таѐазара соцам бир, наьха бохча дихьачун духьала. Кхьича сага зе деш из ийрча гѐулакх карагѐаьннар ва, пенсех ваха саг.

Тохкама болхлоша дѐабихьача белхо гучадаьккхар, укх бетта бархѐлагѐа дийнахьа, тика наѐарга латтача наьха машена чу хайна, вѐалла хье ца луш, мишта ду ер мо дола ийрча хѐама яхача уйлага ше юхацавоакхийташ, цо наьха бохча дихьа хилар.

47 эзар сом дола ахча, паргѐатта ший доалахьа дерзадаь, атта вахар даа лаьрхѐа хиннав къоал даьр. Шолжапхьерча районни суде дувцаргда, харчача наькъо тувлаваьчун дош.



Гѐалгѐайчен вахархо, шийгара газ хьачуйилларах, бехктокхаме оттавергва

Султыгнаькъан **Йоакьап**

Илдарха-Гѐала Прокуратура, шийгара газ хьачуйилларах, сага бехкбеш, уголовни гѐулакх йола акт чѐоагѐьаьй. Из бахьан долаш, административни бехктокхаме а оттаваьв из.

Из лакхехьа вувцаш вола саг, хьалхагѐа цу тайпара бокьонах доаца гѐулакх бахьан долаш, административни бехктокхаме оттаваьвар. Цѐхаккха а тайпара бокьо луш дола каьхат а доацаш, кхерамзлен бокьонаш телхаеш, цо цѐаькха а газ дѐахеттай. Иштта, сѐакур бетта, карарча шера, цу маѐача саго полимерни турба, аьшка краник хьа а ена, газ дѐа-юха хьожача Илдарха-Гѐалий тѐарча газови турба тѐара, газ дѐачутессай.

Хоам бу, прокурора, из гѐулакх дѐахо тахкара, Илдарха-Гѐала районни суде дѐадахийтад.



Могашал хьаллацара тѐехьа, 10000 эзар гѐа боаккхаш, акци дѐайихьар Магасе

Султыгнаькъан **Йоакьап**

10000 эзар гѐа баккха лаьрхѐа, дукха бахархой гулбелар Магасе. Из гѐулакх дувзадаь да могашал, спортацара лерхѐам хьаллацарца, хоам бир Магасерча

мѐре. Дерригача дунен могашала хетаяь я из беркате, массане пайдане хеташ хьаллаьца акци.

Магаса юккъе улача аллеера болабелна, дѐахо, цун ерригача урамашка гѐолла хьалба

хар акце доакъашхой. Тахан цу гѐулакха болча эксперташа, лораша вайга хьаяхаш латт, гѐаш лелар дегѐа мел дика да. Дукхагѐа йола ха, гѐаш лелаш йоаккхача сага могашали, дегѐа хьали ший тайпара хул.

Моллагѐа ханага кхаьчача сага, дика да из гѐулакх кадай лелара. Уж тайпара акцеш, каст-кастга дѐакхухьаш хилча, бахархоша дикагѐа кхетабергбар гѐаш леларцара лерхѐамеи, дегѐа хула пайдеи.

Гишлош йотгача кхуврча болх, 14 дийнахьа, юхасоцабир бокъо йоацараш юкъедоаладарах

Султыгнакъбан Йоакъап

Судебни приставаша, 14 денна юхасоцабир, гишлош йотгача кхуврча болх. Бахъан — юкъедоаладаь бокъо йоацараш. Баьча тохкамо хьахьекхар, объекте болх беш, из гIулакх дIадахьара тIехьа, бокъо луш дола каьхаташ доаца азербайджанаш болга.

Протокол оттаеш, 14 дийнахьа болх бе бокъо ехкаш, гIод техар гишлош еча кхуврча. Хьабаьккача судебни приставаша, наIараш шин кIира хьаяста йиш йоацаш дIакъайлар, цу белха даьга, тIехьа тIа йоагIача хана, бокъо йоацараш юкъе кхувла йиш йоацалга дIа а хайтар.



ГIалгIайчен шахьарашка, юрташка накъъаш тоадеш латт

Султыгнакъбан Йоакъап

ГIалгIайчен шахьарашка, юрташка накъъаш, накъъа такилгаш тоадеш латт, иштга накъъашка латта езаш йола сурташцара белгалонаш а йооттаеш, керда йоахаш я аьлар, «Сердало» газетата ГIалгIай Республика машеннакъый Министерства.

Ши кIира хьалха, ГIалгIайчен Назрань-шахьаре ГIалгIай Республика машеннакъый Министерства гишлонхоша, И. Базоркина проспекте а, цох хьахьетача урамашка а капитални ремонт яра балхаш вIаштIехьадаьхад.

Сихача балхаца цар, накъъа такилг тоадеш плитка йойиллар, из массехк бIаь

метр йоахал йолаш да, иштга йохкай бардюраш, цул совгIа, кIалахьарцар а даь, накъъа чоарIо яьй, цул тIехьагIа асфальт йобиллаб.

Таханарча денна, из никъ шахьара юкъера, куц-сибат тоадеш, массанена эшаш бола никъ ба, из йобилларо таро хулийтаргья моттиг цена, лостам болаш сийрда яккха.

Накъъаш дехкараша карарча хана, лакха говзал йолча дикача техникаца асфальт «КIувс» йобуллаш латт, шоаш хьалххе а яьча накъъа кийчонна тIехьахьа.

Хьалхадоккх, региона муниципални накъъа службаша, «Кхерамзлен дикал йола накъъаш» яхача къаман проектах, уж балхаш дIахьош да.

ГIалгIайче прокуратуро тохкаш да, шин бера угарни газ хьаахарах, цар унахцIено яйна хилара дош

Султыгнакъбан Йоакъап

Назрань-шахьара прокурора такха оттадаьд 2022 шера, бекарг бетта шоллагIча дийнахьа, Московски ураме дукхаза вIаштардаьча цIагIа, шин бера угарни газ хьаахарах унахцIено яйна хилара дош.

Цу бахьанаш, унахцIенонна зе хиннад 2006 шера яьча йиIига, иштга цул ши шу зIамагIа волча кIаьнка аьнна, хоам бу, ГIалгIай Республика Прокуратуре.

Бераш Республика клинически больнице дIадигад.

Цигара беча хоамах, цар могошал селлара унзарча хьале яц.

Хоам бу, региона керттерча тIахьожамаша боахамаша болхлоша, чоалханера хьал нийсдалар бахъан малагIа да, юкъенийсденна кхоачамбоацараш малагIаш да, тохкаш да. Цу юкъедоагIа, газ бокъонах лелаеш хиннайий такхара дош а.

ГIалгIай Республика прокуратура, из гIулакх ший тIахьожаме лоаттаду.

ГIалгIайчен юрташка керда ишколаш хьалъеш латт

Султыгнакъбан Йоакъап

ГIалгIайчен, Iаьлий-Юрта, сихбенне дIахьош ба 704 моттига лаьрхIа керда ишкол хьалъяра болх. Дешара кхуврча гишлош хьалъеш я «Образование» къаман проектах, аьлар ГIалгIай Республика гишлон боахаме.

Белгалду, цу гишлонна заказчик моттигера гишлонминистра хиларах, хIаьта гишлон балхаш дIахьораш я «ЮГГАЗСТРОЙ» ООО. Гишлон фирмаца контракт чоагIьяяр дIадахача шера гурахьа, таханарча денга кхоачаш лаьрхIа хинначох, дIаьлагIа дола дакъа болх йистебаьккхаб.

100% болх йистебаьннаб лардашта кIалхьара кIоаг боаккхаш, грунтови кIийле а яь подвалацара балхаш деш, иштга хьалхарча, шоллагIча гIатий аьшка бетона пенаш хьалдеш.

Гишлонхой, хIанз укх сахьте, кхоалагIча гIата кIийле еш ба, йост чутоссаш,



чуря пенаш, перегородкаш хьалъеш латт. Цул совгIа, укхача йистедаьннад трансформаторца дувзаденнар а.

Гишлонхоша белгалде-

чох, цу хIанзарча ханара дешара кхуврчашка, эшаш мел дола хьалаш хургда, цига деша дагIаца берий таро хургья физически дегIабахка,

эшаш дола кхетам а хьаькъал а эца. Уж деррига балхаш йисте а даьха, карарча шера, ишкола болх бе йола-лургья.



Вай мехка коартола мах, таханарча дийнахья, 40 — 65 сома тІа латт

Султыгнакьян Йоакьяп

Туханарча дийнахья коартола мах лакха латт Султыгнакьян Йоакьяп

Туханарча дийнахья, вай мехка коартол йохкараш, 40 — 65 сом цох дехаш латт. Вай республике, хІара кІира дІакхухьяш ярмаркаш я. Из гІулакх юкье доаладайд, маьхаш лакхдаь долча моттигера наьха, буа кхача эца аьттув хурглолаш.

Ярмаркашка, тахан, коартол 40 сомах эца йиш я. Иштта, тикашка, базарашка дехачул чухьнахья эца йиш я цигара, кхыдола даараш а. Цу гІулакхах наха, тахан, доккха новкьостал хул. Коартола мах лакха латтар, из араьхара хьачукхухьяш хилар да.

Из кхача, вай мехка, дукхагІа дІабувш хуле, цунга хьежжа, мах а лохагІа хургба.

Сомий гаьнаш дІайогІаш латт вай мехка

Султыгнакьян Йоакьяп

Цу гІулакха тІахьожам лоттабеча наха белгалду, вай мехка, тІехьарча хана, сом латаш йола гаьнаш дукхагІа дІайогІаш хилар. Таханарча дийнахья, шоай кошка, урам тІа, пхьешка дІайогІа гаьнашта юкье дукхагІа яраш — сомий гаь-

наш я. Хьалха бахархоша шоай кошка бувш хинна сомаш, хІанз го йиш я хин оагІонашца, юрта, пхье моллагІа нах лелача моттиге. Из беркате гІулакх иштта доаржадаро, дог эттачоа дІакхайда хьабаккха мара ца безаш, баа сом хулийт.

Теркалде деза, укх

тІехьарча итт шера, иштта, моллагІа саго буалба аьнна сомий гаьнаш дІайогІар, дуккхача наха хьаллаьца, дІахьош латташ, дика гІулакх да. Цу маьл хурглола гІулакха юкье дакха лоацаш хул, ерригача министерства тоабаш, масе болх-моттигашкара нах, хІара юртара, пхьера бахархой.

Дикаш доаржадара наь-

кьаш хьаллоацаш лелача, «Хьона гонахьара дуне» яхача, 2011 шера «Сибирски могашал» яхача кхуврчас хьакхеллача фонда волонтераша, Назранерча пруда гонахья кьоахки шолхи яха гаьнаш дІаегІар. Вай экологен хьалага диллача, геттара лоархІам болаши, боккха пайда беши гІулакх да из.

ГІалгІайчен полице, машенашца, наькья хьовзам хурглоацаш йола акцеш мероприятеш дІахьо

Султыгнакьян Йоакьяп

ГІалгІайчен полице, акцеш дІахьо наькья машенашца хьовзам хурглоацаш. Цу тайпара наькья хулаш дола цатоамаш лаьгІадара аьнна, иштта тІехкар дІа а цатоаш, машенаш леккараш совцабара лаьрхІа, ГІалгІай Республике гІолла йолча МВД ГИБДД Урхалено, ГІалгІай Республике гІолла йолча МВД ГИБДД ДПС ОБ, Магасе гІолла йолча Россе МВД ОГИБДД Отдела, цу юкье дакха лоацаш ГІалгІай Республике гІолла йолча МВД Юкьарлонна совета кулгалхо Іамаканакьян Хьусен а волаш, «Кхерамзлен тІехкар» яха наькья хулаш дола зуламаш юхатохара акци дІайихьар, — аьнна хоам бир, ГІалгІай Республика МВД.

Цига водителя теркам тІаээр, ма хулла, цар машенаш шортагІа леккара, хІана аьлча, дукхагІа даькье кьяьстта из бахьан долаш хул, наькья хьовзамаш, цунах, вайна ма харра, наха а мехка доккха зе доал.

ГИБДД болхлоша акци дІахьоча юкья, бахархошта довзийтар, тахан латташ дола, машенашца авареш яра хьал, иштта хьалхадаккхар, наькья болам кхерамзленца Іалашо яь хилара, данза даргдоацар малагІа да.

ГІалгІай Республика доазон тІа, 2022 шера, бекарга бетта кхоалагІа дийнахья дІаяхья лерхІ, «Тонировка» яха, оперативни мероприяти. Цига юхатохургба бокьонах доацаш машений кораш баьддеш, ца доагІар леладераш.

Наькья служба болхлоша хьалхадоккх, 12.5 дакха 3.1

КоАП РФ статьяц доагІаш машений кораш баьде даь а, иштта, кхыча бесара уж хийца а бола водителаш,

бехтокхаме озарг хилар.

Из деррига а деш да, вай мехкара, машенашца зуламаш деш хилара хьал тоа-

дара, ийрча моттигаш юкьера яхара, региона наькьяшка машенашцара кхерамзлен Іалашо яра.



1 БИБЛИОТЕКА ИНГУШЕТИЯ ЯНДИЕВА



Цихезача
хьехархочо
дувцаргда,
вай мохк
хьаоттарца
дувзаденнараш

Габлаханакъбан Адам

Къаман библиотеко хьакхелла «Галгай мехках лъаца 30 интервью» яха проект, ший болх дӀахьош я. Проекта таханара доакъашхо я вай мехка цихеза хьехархо Гардананакъбан Абузарий Малика. Цо дувцаргда 30 шу хьалха, мохк хьаоттача хана, дешара оагӀоно хьабена никъ. Маликас Пхилекъонгий-Юртарча №2 йолча ишкола кулгалдеш хьакхеллар, ше болх беча меттиге, краеведческий музей. Россе турпал волча, вай мехкахочоа Осканакъбан Суламбека хетаях зал, хьайилар хьехархочо, цу музейе.

Маликас къахьегаш хьакхеллача, «Патриот» яхача, де доацаш байна нах хьалехача клубо гучаьхар Темта хинна, тахан, цхьаннахьа хьоахабеш боацача вай мехкахой цӀераш. 40 цӀи дийнъаьй, тахан, цу музейе. «Малика дукха хӀама довзаш саг я. Из я: цихеза историк, поэт, краевед, модельер, дизайнер», — дийцар тхона интервью луш, къаман библиотеке.

Хьехархочун болх лелабеш, цу гулакхаца ший деррига вахар дийза хьайоагӀаш я Малика. Ше хьалаьца никъ, бектокхаме цо дабахьаро, тахан, къаман юкье лакхача лагӀа та лоаттаю цун цӀи.



Галгайчен Гаьдало хьаллоац халкъа начӀал

Гаданакъбан Ахьмад

балха хьал.

Юртарча культура Ценош, юртой Гаозара йола юкьарле хила еза — хьалхадаьккхар МагӀалбика района администраце кулгалхочо, Кхузнакъбан Къамбулата, ше Дебе-Юртарча культура ЦагӀа вахача хана. Цо тахкар Гишлон технически хьал, иштта дайзар учрежденей, организацией кружока заньтеш дӀаьхьара

Муниципальни даькъа тӀара кулгалхо венача хана, культура ЦагӀа «Онгушт» яхача халхара хореографе берий ансамбль яр репетици еш.

Кхузнакъбан Къамбулата дайзар цигара берий дешара хьал, цунна гуш дар уж мел чӀоагӀа терко тӀайохийташ шоаш каралаьцар Юмадеш ба,

иштта цун къамаьл хилар хужожественни кулгалхочунца Котанакъбан Садаца.

«Къамбулата даькъал бийцар цар болх, дӀахо а, цар шоай балха тӀехьа толамаш дахар ловш дола дешаш а аьлар. Эшачунца Галгайчен хореографи дегӀайоалаяра новкъостал хулийтаргда а аьлар», — аьнна дийцар «Сердало» газе-

тага МагӀалбика района администраце пресс-служба.

Укхазе белгалдаккха деза, цаӀ дикагӀа йола котало яккха хилар «Онгушто», «Восходящая звезда-2017» VII Халкьашта юкьерча фестивалеконкурсе. Цу хана денз, кхоллама коллективо тешшаме, Россе къулбихье хьалхара моттигаш йоах.



Аграрни техникумера студенташ практика дӀахьош ба, «Россельхозкхуврче»

Султыгнакъбан Йоакъап

хара баькка бац.

«Россельхозкхуврча» болхлоша, тахан, шоай говзал екъ Назранерча аграрни техникума студенташца. Цу кхуврча кулгалдеча Белхарой К. яхачо, хӀама Юмаде безам бола студенташ, тахан, цига хьал-

Цу практика хьалхле лелача хьехархочо Оздой Натальяс яхачо, агрономаш хила лаьрхӀа болча студенташта довза деза баьцаех дар. «Тха студенташта эггара хьалхарча юхьанца ха дезар да, удобрене-

хи, тайп-тайпарча сортехи дар. Теша лов, ер практика студентий кхетам лакхбеш хургхиларах. Укх кхуврчерча боллоша, гетгара дика хьалхадоаккх царна деррига а. Практика яьлча хоалуш хул, студенташта, цох боккха пайда хинналга. Тахан хургболча агрономашта

ха дезараш дукха да», — аьлар цо. Кхаь бетта хила езача практиках, кхоалагӀа курсе кхаьча болхача студенташта, довзаргда дӀайийна хӀамаш лораярах дараши, дӀаде кийчде деза гих дараши. 19 студента, шоай кхетам лакхбеш, къахьегаргда лабораторешкеи, оахамаштӀеи.



Галгайчен шахъарашка, юрташка социальнo-лоархамеча кхачана продукташта, мах тлатехабий хьожаш ба

Султыгнакъбан Йоакъап

Галгайчен муниципальни дакъа тла, ца хилча баргбо-агача кхачана продукташта, мах тлакхийтгабий хьожаш болх длахьош ба.

Цу тайпара рейдаш длайхьар, укх деношка, «Шолжа-пхье дакъа тларча» МО администраце экономи-

ка, финансай отдела болхлоша, аьлар шахъара администраце.

Моттигера Таьдал хьажар: «Гастроном» яхача йокхача тикачу, хьоарах хьаяча хламашта, шурий кхачана, налха а генарий даьтта а, крупашта, коатларча оалхазарий дулха, чкъаьранна, баьцадаарашта, шекара, хьоара-мах тлатехабий.

Цу тайпара болх длахьош ба,

Галгай Республика Кулгалхочо Келматанаькъан Махьмуд-Таьлас, региона муниципальни дакъа тла, цу гулакха тлахьожам лоаттабе аьнна, тладиллача декхарах.

Экспертгаша яхачох, ца хаддаш из болх длахьош хиларо, таро хулийт лоархамеча кхачана продукташта маьхаш лакхцадайт.

Техьарча хана, Галгайче,

маьхашцара хьал цхьан кога тла даьннад. Из иштта хургдолаш республике тлолла, хлара кира цхьацца ди белгал а деш, длахьош я ярмаркаш, цига вай бахархой таро хул, маьха чухнахьа кхачана продукташ эца. Цул совгта, ца хаддаш, болх длахьо цу гулакха бехктокхаме болча наха, кхачана продукташ, юхайохкара, базархоша боарамал совгта эцаргйоацаш.



Бизнесменашта го дарах лаьца дийцар, Назране

БІАРХОЙ Муслим

Назранерча администраце, укх бетта хьалхарча дийнахьа, кхетаче йир пхье мэра Йовлой Урусхана, шой хлама хьадар Назране длахьош болча биз-

несменашца. «Кхетаче дувца оттадир эггара лоархамега дарах.

Царех дар бизнесменашта хьалхашка нийслуш дола кхоачамбоацараши, цхьацца дола гулакх, ма хетта,

длацадохийташ йола новкъарлонаш. Хьоахадир, санкцеш латгача юкъа, цар гулакх эшацадалийтара, шийна могоадох пхье администраце дергдолча новкъосталах. Теркаме лаьцар, Назране длахьоча бизнеса юкъе доаладе дезараш, хлама

дладахьара гулакх дикагича хьале дерзаргдолаш», — аьлар администраце пресс-службе.

«Ер кхетаче шаккхе оаглон беркате йолаш длачакхьяла еза. Влаши гюдеш хиларо, болх дикагта длабохийт», — аьнна белгалдир, Йовлой Урусхана.



Галгайчера вокалистка, «Моя Звезда» яхача, Халкъашта юкьерча конкурсе, котъяьлар

ГЛАЗДАНАЬКЪАН АХЬМАД

Илдарха-Галий тларча культура Цен, къона вокалистка Баьтаранаькъан Хьава, Ленской Ивана Альберта цДерагича, «Моя Звезда» яхача, дукхача жанра Халкъашта юкьерча искусства конкурсе котъяьлар.

Конкурсе мах оттабеш хиннача жюре, Галгайчен къонача вокалистка, шоллагича степеня лауреата диплом делар.


Баьтаранаькъан Хьава Томаеш ва, вокала дика кхеташ вола, Галгай халкъа артист, Хулаганаькъан Артур. Конкурс вташагьеллараша, вокалистка хьехархочунна, баркал аьлар, «Дикагта вола хьехархо-2022» диплом а делар.

«Моя звезда» яхача, Халкъашта юкьерча искусства конкурсе белгалбоах: шой начгал хьагойтараш, хореографе, искусство, художественни оагторахьа талант яраш.

Белгалде дезаш да, Илдарха-Гала культура Цагта, из кхоллам, дика дегтабоагташ хилар.

Илдарха-Гала культура Цен къонача артисташа, тайп-тайпарча конкурсашка дукхача котало яккхай. Цига доккха дакъа юкьеденад, культура Цен кулгалхочо, Овшанаькъан Бексолта Къамбулата, из цига болх беш ва 1995 шера денз.

Ши шу хьалха, даьхен культура дегтайоалаача дика къахьегарах, Россе президента амарах, Овшанаькъан Къамбулата «За заслуги перед Отечеством» 11 степени орден енаяр.



10 НАБКЪАШ

Нувхаш
д'акхувсара
юкье даьнна
кердадараш,
хьаллаьцар вай
мехка

Г'азданаькьан Ахьмад

Дукха, керда контейнераш оттаергйолаш я Маг'албике. Тайп-тайпара бесаш долча цар, хьаьхьок-харгда бахархошта малаг'а тайпа нувхаш малаг'а контейнера чу товса еза. Масала: пластика, каьхат, кизга Иоакья, иштта кхьдараш а. Х'ара контейнера ший босс оттабаь хиларо, бахархой сиха д'а'амабергба, д'акхоссача х'аман кьоастам бе.

«Тахан вай мехка санна, ерригача Росссе а лоарх'амедарех даь оттадаьд, нувхаш ши-ший кьоастам беш д'акхувсара г'улакх. Иштта, из г'улакх д'адаьхаро, вай Иалам лораду. Тахан наха кхетаду: шоайи, шоай дезалеи, цар т'ехьенейи уйла ярал совг'а, к'оарга уйла еш лораде дезарех экологен г'улакх хилар. Росссе регионашка, геттара раьза хинна хьаллаьца, д'аьхош да из беркате г'улакх. Укх бетта, 15 ди кхачалехьа 1100 литрах йола, 2289 контейнераш оттаергья вай мехка кьоастам беш нувхаш д'акхувсара т'ехьа.

Маг'албике оттаергья царех 198 контейнер. Баьц-цареи, мореи, Иажаг'еи, сийнеи, Иовкьяра бессеи -хургья уж», — аьлар тха газетага Маг'албикерча администрацен кулгалдеча Галай Мусас. Цу кердача контейнерашта лаьрх'а долча доазон а, кьоастам баьб тахан.

Чарч
сомаювлаш латт
Г'алг'ай мехка

Султыгнаькьан Йоакьяп

Г'алг'айчен лоамашка ядача хьунашка, сомаювла йолаенний чарч. Дукха ха йоацаш, ха т'а латтача наха яйний Оалкаме, керда, чарчий лараш. Хьунашта т'аьхожам лоаттабеча болхлочо теркалдаьчох, ча, цу моттигашка, хьалхарча дийнахьа лийний.

Цу доазон т'а уллача хьунаг'а а, цун гонахьа ядача моттигашка а лелар, тахан, кхераме да. Тхьайса яьдачара г'айтта араяьлча, цьхан юккья, шоай дег'аца д'айиллача хьоаналца юзаш д'алел чарч. Х'етта г'айттача хана, кхы башха даар дезаш хилац уж. Баьда, теркалде деза, ча ч'оаг'а говзеи кхерамеи аькха долга. В'алла дагадаоцаш духьала нийсьелча, цо-м фу дергдар аьнна уйла яр а, унзаро г'улакх да. Цунга хьежжа ч'оаг'а фийла, лоралуш хила беза хьунашка, гувнашка лела нах.

Г'алг'айчен столице
наькьяш шаьрдеш латт

Султыгнаькьан Йоакьяп

Кхы а ч'оаг'аг'а водителашта, г'аш леларашта наькьяшка кхерамзлен Иалашо хургйолаш, Г'алг'айчен столице Магаспхье, цьхьаца телха моттиг

юстара а йоаккхаш, наькьяш шаьрдеш а тоадеш а латт, аьлар пхье мэра пресс-службе.

Т'ате'а, цу тайпара балхаш д'адихьад, Заьзиганаькьан И. проспекте, Куленаькьан К., Гьа-

генаькьан Б. — урамашка.

Уж да, эггара дукхаг'а машенаш лелаш дола наькьяш.

Цу тайпара болх д'аьхош хилара баьхан да, республика кертерча муниципальни даькья т'а бахархой кхерамзленна Иалашо

хилийтар.

Массехк хьалха, Г'алг'ай республике Г'олла йолча МВД Госавтоинспекце, наькьяшка хьалаш доьзара, машенашца наькья хулаш дола зуламаш тахкара, рейдаш яьяр.



Г'алг'айчен шахьарашка, дика хьалаш Иалашдеш латт

Султыгнаькьан Йоакьяп

Г'алг'айчен шахьарашка, б'аьстий д'айоаяларца, дика хьалаш Иалашдара балхаш д'адоладаьд, дукхача бахархой вахар аттача даккха лаьрх'а.

Цу тайпара, геттара сиха дег'айоаг'аш латтача Илдарха

Г'алий т'а дукха нах лелаш йола моттигаш тоаеш, хозьеш латт «Шахьарашкара вахара хьалаш тоадара», «Вахар, шахьара хьалаш» яхача кьаман федеральни проектех, аьлар муниципальни даькья т'арча мэре.

2022 шера укхаз, овлангара денз кердаяккха лаьрх'а кхо объект я, царех ца' — Пуш-

кина урам, тоае йоаяьй. Наькья служба д'айолаенний, из урам керда яккхара балхаш де, 400 метр йоахал хозаг'а йола плитка а юлаш, наькья йистош тоаеш, эшача асфальт буллаш латт. Цул совг'а, цу доазон т'а, массанахьа сердала б'оаг'ий а латтаргда, сало'ама моттиг а хоза тоаяь хургья.

Говзанчаша яхачох, из мот-

тиг ший тайпара белгала а лоарх'аме а я, х'ана аьлча №5 йолча ишкола из т'айодаш хиларах. Цудухьа, машенаца е г'аш водаш хилча а, цу ишколе ваха сага, дуккха аттаг'а хургда. Кастлуш, д'ахо балхаш д'адаьхьа лерх'и Зязикова, Градусова — урамашта юкье Г'олла дадача доакьошка.



«Лекарь поневоле»
яхача
мольеровски
пьеса
турпалхоша,
шоай къамаьл
гІалгІай
меттала
дІахьоргда

ГІазданаькъан Ахьмад

Къаман театре, ма даггара, бодаш кийчон болх ба. Тахан актераш къахьегаш ба, Мольера Жан — Батиста язъяьча, «Лекарь поневоле» яхача, беламан пьеса тІехьа. Режиссер йолча Іахильганаькъан Фатимайца, кердача пьесаца, вай дегаш хьаста кийчлуш ба актераш.

1666 шера Мольера язъяьча пьеса турпалхой, тахан, гІалгІай мотт бувцаш хургба. Белламах латтача исторех йола из пьеса, эггара хьалха, 1909 шера Тифлисе хьекхар. Спектакль оттаеш хиннача Кулиев Мирза-Хана, ше ловзавир керттера турпалхо вола Сганарель. ГІалгІай меттала оттаеш йола из спектакль, мелла гаьнаръяргъя оалалургдац вайга, бакьда, театра дикагІа болча актераша вай дог ГІоздоаккхаргиларах шеко яц.

«Спектакла керттера турпалхо Сганарель ва. Цъха дагадоацаш нийсьденнача гІулакхах, наха, из тамашийна белхаш лелладу воккха лор ва мотт. Шийх меттар хочаашде гІерташ, доккхача дикашка кхоач Сганарель. Шоайла безаш бола нах вІашагІбетташ хул из. Цох тийша хьаухача наха, дуккхача ахча, дошох хьалдуз цун бохча», — из деррига, ма дарра, шоана гургда театре хьадоагІе.

«Авторский знак» яхача, Ерригача Россе дІахьоча, конкурсе дакъа лоацаргда вай къаман библиотека

ГІазданаькъан Ахьмад

Библиотекий краеведчески белхах оттаяьча, «Авторски знак» яхача конкурсе ший болх гойташ хилар, вай къаман библиотека. Цихезача къаман поэта, Янданаькъан Джемалдина, хетабаь, библиографически болх кийчбаьбар къаман библиотеко.

«Авторский знак» яха конкурс, Россе къаман библиотеко шин шера цкъазза дІакхухьаш я. Из конкурс вІашагІйоллара бахьан — библиотечни краеведчески болх кІоаргагІа, дикагІа дІакхухьаргболаш.

Цул совгІа, библиотекаша шоайла, цхьацца, кердадараш дІай-хьай эцаш пайда дахьу. Цу гІулакхо новкъостал ду, тахан хьаоттадаьча тайпара библиотечни болх дІабахьа», — аьлар тха газетага къаман библиотеке.



Дж. Яндиев, Б.Зязиков, И.Базоркин в гостях у чеченского писательницы Марьям Исаевой. грозный, 1960-е годы



ГІазданаькъан Ахьмад

МагІалбика районе администраце кулгалхочо, Кхузнаькъан Къамбулата, дика мах оттабир санитарни цІенонна бутт дІабахьарца даьхача толамашта, цо гІахьийхар, дІахо а, района юргашкара хьал тоадеш, лостам беш из болх дІабахьара.

Из белгалдир, цу гІулакха бехктокхаме бола районий, юртий, администрацей — викалаш гулбаь дІахьош хиннача совещане.

«Цу кхетаче, иштга, дийцар бІаьстанара эскаре Іамал де кагийнах гІахьехаш хилара, керттера терко лоаттар.

Иштга, Кхузнаькъан Къамбулата бІаьстанара эскаре Іамал дара, гІахьехаш йолча компанена эшаш долча хьалашца Іалашо яра, шоай ханнахьа гІахьехача комиссена

МагІалбика районе, санитарни цІенонна бутт дІабахьаро, дика толамаш делар

нах хьатІабоалабара балхатерко яра — бехктокхаме оттабир цу даькъа гІара болхлой.

ДІахо дийцар коммунальни маьхашца, йоал гулъярца дувзаденна хаттараш, иштга дийцар урамашка сердал луш

йола лампаш йогІарца дувзаденна дош а», — аьлар «Сердало» газетага муниципальни даькъа гІарча пресс-служба.



ГалгIай спортсменаша, ММА тайп-тайпарча латарах йолча, СКФО Чемпионате 15 майдилг яккхар

ГIАБЛАХАНАБЪКАН АДАМ

Цу тайпара яхъаш вай республике хьалхара дIахьош яр. Турнир шин дийнахьа дIайихьар — тушоли бетта 30 денгара, 31 денга кхаччалца. Цу юкье дакъалоацаш вар 200 спортсмен, тайп-тайпара хаянна 18+, уж баьккабар Кьилбаседа-Кавказа дукхача республикашкар. Цига вай республика спортсменаша 15 моттиг яккхар.

«Селхан, Йовлой Берда цIерагIча «Магас» спорта Двореце дIайихьар ММА тайп-тайпарча латарах йола, СКФО Хьалхле а Чемпионат а.

Цига дакъалоацаш бар, ерригача Кьилбаседа-Кавказа регионашкар спортсменаш.

ДикагIа бараш бар цига баькхараш. Котбаьннараш а, иштта, шоллагIа моттиг яккхараш а хьакьостабир бекарг бетта 12-ча дийнахьа, 16-ча денга кхаччалца Анапе дIахьоча Россе Хьалхлене дакъалацара.

СКФО Чемпионаша шашта Галашо йир Россе Чемпионате дакъалацара, из дIахьоргья аьхий, Астрахане, хIаьта дото моттиг яккхараш Россе Кубке дакъа лаца йиш йолаш ба гурахьа», — аьлар тха газетага ГалгIай Республика тайп-тайпарча латарах йолча Федерацие президента Шоанахой Вахас

СКФО Чемпионате котбаьннарах бар: Хамхой Адам, Куштанакьан Адам, Малсаганакьан Мухьмад, Сириев Абдул-Малик, Хьулхой Ювсап.

Дото совгIаташ даьхар: Йелджаркьанакьан Мухьмад-Амина, Дидиганакьан Иамирхана, Меданакьан Мухьмад-ГIаьлас, Кхоартой ИбрагIама.

КхоалагIа моттиг яккхар — Овшанакьан Тамерлана, Цьхорой Аслана, Ужахьанакьан Заьлмаха, Аьгенакьан Тамерлана, Дудурганакьан Рамзана, ТIумхой Джамалейла.



ГалгIайчен юрташка мини-футболах турнираш дIахьош я

БIАРХОЙ МУСЛИМ

Карарча хана, Экажкьонгий-Юрта, мини-футболах йола турнир дIайихьар бархI команда юкье, из хетаяьяр бIаьстенарча, кагий нах Iамал де эскаре тIахьехача, ханна аьнна, хоам бир муниципальни даькъа тIарча администраце.

«Хьалхар моттигаш яхьача командашта кубкаш ялар, дикагIа толамаш гойтачарна ачхан совгIаташ дир. СовгIаташ деннар а, иштта турнир дIаьхьа ачханча новкьостал даьр а вар, ГалгIай Республика араьхарча буьзама, къаман политика, кепа йоазон, хоамий министр Беканакьан В. Цу турнире дакъалоацаш хилар: ГалгIай Республика Халкъа Гуллама депутат

Дзортанакьан А., «Единая Россия» парте викалаш, юрта совета депутаташ, иштта кхьбараш», — аьлар Экажкьонгий-Юрта администраце.

БIаьстана-ахкана ханашка кхьйола мероприятиеш дIаьхьа лерхI, уж тIаерзаяь хургья унахIенонна вахара хьисап хилара, кагийбараш дукхагIа спортаца, физически культураца дакъалоацаш хилийтара.



Хамхой Хазбулат «сухий» матчай ФНЛ-2 вратарий рейтингга хьалха ва

БЕРДАНАКЪКАН ЛОРС

«Динамо» футболни клуба голкипер, Махачкалера Хамхой Хазбулат, дIахьош йолча хьалхлен эггара тешаьмегIа вола команда защитник лоархIаш ва. Из ловзаш хинна-

ча кхойтта команде, цо цхьаь цаI бургац чакхьалийтанзар.

Цунах дийцар «Ингфутбол.ру» сайта тIа.

Хоам бу, Iана замаьх юкье йита ха хьатIаьлехьа, Хазбулата цу тайпара матчаш цхьайтта яр. Цу тайпарча матчеш, цун-

гара совле йохьалуш вацар «Новосибирска» вратарь, Кисилев Максим мара. Цунца бекьар цо, ФНЛ шоллагIча лиге, дикагIа волча голкипера мугI. Бакьда, царел хьалха вар, ярославера «Шинник» клуба доакъашхо, «всухую» шийтгаза лайза Филиппов Михаил.

Хьалхле кердаяккхача денз, Хазбулата дакъалацар махачкалинский клуба шин влашгIкхетаре — «Ротор-2», «Туапсе». Цига а, цига а «ноль» йолаш лейзар, цу тайпара, «сухой» матчашка лиге голкиперашта юкье, хьалха волаш хилар.